

常德府志卷之九

學生商廷輔勸

學校志

教化之源出於學校其制宜崇而其建宜廣崇則人知所嚮方有不令而行之勢廣則人有所漸漬又有不言而喻之妙矣三代為教家有塾黨有庠術有序所謂廣也始教皮弁祭菜中年考校九年大成所謂崇也吾郡漸被

聖化百六十七年于茲而郡邑廟學蔚然並峙人文宣

常德府志

卷九

一

朗儒學之外又有社學以為基本有書院以為羽衛蓋制無不崇而建無不廣矣作學校志

儒學

天下郡縣之有學始於元魏而盛於宋之景祐然其制未備或大郡有學而小郡未置至於州縣尤鮮慶曆以後諸路學者二百人以上許更置縣學於是學校遍天下矣然未始通稱為儒學至元始有之但其時列儒品最卑而教授學



正之秩又與陰陽醫學例稱允無足道者矣我  
神祖龍興未登極之前即立國子監於京師既二年  
詔天下咸立學府州縣通稱為儒學其崇重文教至矣  
揚子曰通天地人謂儒儒之用廣矣大矣居是  
地者可不思所以自重也哉

本府儒學府西南一里許前瞰大江創建歲月無考  
宋咸淳八年郡守湖北常平使龔日昇鼎建殿宇堂  
齋規摹略備元延祐六年常德路達魯花赤哈珊改

建文廟五間築基以石高六尺環以石闌前築露臺  
高四尺臺下為神路為丹墀植松柏柗桂樹數十株  
於旁東西為兩廡各十三間前為戟門七間左右為  
碑亭又前為靈星門門濱大江築石櫃高二丈餘建  
咏歸亭於上左為類宮門翼以觀瀾朝宗二亭廟後  
建閣五間以貯經典扁曰尊經閣下為明倫堂五間  
有朱晦翁易傳出師  
表等書鐫於壁間廟東為滌牲池池畔為宰牲房  
及製祭器銅錫瓷漆相間並增樂器其制始備



國朝洪武七年學前石櫃并詠歸亭為洪水衝決常德  
衛指揮孫德因修浚城池乃於石櫃建樓一座以補  
其缺監察御史黃義謁廟見之大書南薰樓三字扁  
於上永樂十五年知府應履平因舊繕葺景泰三年  
知府朱縉於明倫堂左右建四齋東曰志道依仁西  
曰據德游藝號舍三十六間饌堂廚房各三間天順  
間同知趙琰通判崔謙徐璟相繼修飾成化五年知  
府楊宣以殿宇堂齋日漸傾圯乃大加修治及建學

門三間

門舊有對句。聖世崇文教儒林育俊英華容黎文僖公淳以狀元及第過常武至學見

此對笑謂教官曰英才久育於學不發於科甲可乎遂改為英才奮甲科先侍郎特為諸生親聞其語嘗以語洪謨云其對至今則然愚意又補鑄銅爵香爐俊英之育其義尤廣只仍舊可也

等器成化八年同知李泰因尊經閣欹側乃撤去增

修明倫堂并建井亭一所

是年秋泰承祀事井泉忽出人以為異遂構亭覆之

通判鄧察教授周鑑修靈星門及繪飾十哲兩廡賢

像知府王績增置樂器弘治二年知府卜釗等重修

殿宇嘉靖六年知府方仕復修又闢地為射圃立觀



德亭七年奉

制建敬一亭及增置啓聖祠俱於廟東春秋祭品各用

均徭銀十九兩

舊制祭品以豕六羊二鹿一邊豆十  
二簋簋四爵三銅篚各二樂用縣鍾

舞用九年知府趙永淳奉

制易大成至聖文宣王封號撤去肖像以木主題云至

聖先師孔子改大成殿為先師廟門曰廟門祭用籩

豆各八舞用六佾四配以下俱去舊號題木主云先

賢某子片不應後祀公伯寮秦冉顏何荀况戴聖劉

向賈逵馬融何休王肅王弼杜預吳澄林放邊瑗鄭

衆盧植鄭玄服虔范甯二十人增祀后蒼王通胡瑗

陸九淵歐陽修五人啓聖祠專祀孔子父叔梁紇以

顏子父無繇曾子父點子思父鯉孟子父孟孫氏配

及以程子父珦朱子父松蔡沉父元定後祀焉嘉靖

十六年明倫堂圯甚知府陸邛等重修輪奐一新

書見籍

四書大全

易經大全

書經大全



詩經大全 春秋大全 禮記大全 各一部

御製五倫書 勸善書 孝順事實

為善陰騭 各一部

勅諭一冊 學政一冊

### 泮池

學西周圍八十五丈舊植有蓮今漸填塞矣

### 學田

趙塘村通仙觀以事廢遺田 茲載糧五

當德府志 卷九 五

斗三升五合每年入租以給公用

### 貢士庄

府南宋太守袁申儒以沒官田創建歲供貢士

過省之費詳藝文

### 學倉

學內成化五年知府楊宣建收受民糧以供俸

廩今漸廢

教授解 泮池畔



訓導廨三 一在學東北一在啓聖宮右一在滌

牲池北

武陵縣儒學縣西北隅宋紹熙二年知縣林夢英創  
建嘉定十三年知縣戴重熙繼修并置祭器元至正  
四年縣丞忽都海牙再修丙辰兵燹惟正殿獨存

國朝洪武元年知縣張子源修建三十一年知縣張九  
疇建明倫堂三間講堂三間景泰初知府蔡壽以舊  
規狹隘改建文廟三間重修明倫堂知縣張海建東

常德府志

卷九

六

西廡十八間成化初通判徐璟建學門三間九年知  
縣徐必敷建兩齋東曰日新西曰時習各三間號舍  
二十四間饌堂三間又同縣丞徐源政重建靈星門  
戟門各三間弘治八年知縣應能以歲久傾圮大聿  
新之又以附郭不設祭春秋做釋菜禮用羊一豕一  
至十三年因建府第白於工部郎中陳珂存東偏之  
地以廣學舍開南向之池以瀦泮水增建學舍遷修  
饌堂正德十一年因泮池爲勢家侵塞諸生具呈秦



都御史金委官丈量歸於學十三年吳都御史廷舉  
浚修嘉靖九年知縣馬負圖建

敬一碑亭一座十二年教諭宋尚恩再浚泮池繚以土  
垣十四年知縣鍾鑿以講堂圯壞改建啓聖宮十六  
年知府陸邳重脩殿廡并明倫堂餘同府學

書籍

四書大全

易經大全

書經大全

詩經大全

春秋大全

禮記大全

各一部

常德府志

卷九

七

御製五倫書

孝順事實

為善陰隲

性理大全

各一部

大禮集議

一部

冠服圖

一冊

學倉

明倫堂東弘治十三年知縣應能建於饌堂右

嘉靖十二年知縣劉存仁重遷今處

教諭解

明倫堂東

訓導解二

一在學門內一在明倫堂後



桃源縣儒學縣南一百步宋慶曆間建元延祐六年  
權學事常德路儒學學錄張燾修元末兵燹

國朝洪武六年知縣徐天麒重建永樂二十一年燬於  
火宣德三年署縣事縣丞徐祥建文廟三間後知縣  
稽郁修葺及建明倫堂正統十三年知縣丘繼建饌  
堂及修靈星門天順七年分巡副使沈慶以明倫堂  
地狹隘乃市民間地而克拓之成化三年通判徐璟  
重修兩廡靈星門五年知府楊宣甃以石基分巡副

使應欽改建兩齋東曰博文西曰約禮弘治六年知  
縣朱穀重修十四年洪水衝決學基前岸具申閩都  
御史仲宇行令本縣遷涿羅驛於東門外闢其地以  
廣學宮知縣李文顯繕治完備正德十一年知縣高  
昂再修嘉靖七年知縣黃鳳翔復修十年教諭黃九  
霄以科目久乏改移學門與涿羅崖相對教諭彭參  
繼修又請諸監司動支官銀修葺兩廡及靈星門學  
門兩齋明倫堂朽柱稍稱觀瞻建



敬一亭并啓聖祠俱如

制

書籍

四書大全 易經大全 書經大全

詩經大全 春秋大全 禮記大全 各一部

御製五倫書 孝順事實 為善陰騭 各一部

射圃

學倉 本學內

常德府志 射 卷九 九

教諭廨

訓導廨二

龍陽縣儒學縣東半里宋元祐間創建大成殿元至正間著儒吳叔高增建元末兵燹

國朝洪武二年知州段旻重建燬于火正統八年知縣

李昂改建文廟五間東西廡各十間戟門櫺星門各三間宰牲房神厨各三間明倫堂五間及學門饌堂天順六年知縣李泰重修及改建兩齋六間號房二



十間弘治十三年掌縣事推官吳潭修葺一新正德十二年通判楊燾知縣陳叙繼修嘉靖八年知縣黃豫建

敬一碑亭啓聖宮俱如

制

書籍

四書大全

易經大全

書經大全

詩經大全

春秋大全

禮記大全

常德府志

卷九

十

御製五倫書

孝順事實

為善陰隲

各部

勅諭 一冊

射圃

學倉 本學內

教諭廨

訓導廨二

沅江縣儒學縣東維摩寺故基舊在縣西創建無考  
元末兵燹



國朝洪武二年知縣錢文英重建文廟三間東西廡各九間戟門靈星門各三間神厨神庫宰牲房俱備又建明倫堂三間東西齋各三間饌堂二十八年知縣王懋范珏相繼修葺弘治間知縣馮鋼正德間知縣金露再加繕治嘉靖九年知縣劉祚建敬一碑亭啓聖宮俱如

制

書籍

常德府志

射  
卷九

十一

四書大全

易經大全

書經大全

詩經大全

春秋大全

禮記大全

御製五倫書

孝順事實

為善陰隲

各部各一

射圃

學倉 本學內

教諭廡 明倫堂後

訓導廡一 明倫堂西

社學附



本府城內四坊原有學四所每學立教讀一人  
成化間知府揚宣選耆儒為之諭令民間凡有  
堪教子弟八歲以上至十五歲者俱遣入學課  
以養蒙大訓孝經小學諸書每月朔望教讀則  
率其徒詣府縣作揖監司至亦如之今俱廢學

基亦為人所侵愚按洪武八年

太祖詔天下立社學德意甚渥蓋養正之功實基於此  
不可忽也今吾郡邑社學未復而私塾則遍坊  
衢然時制當遵賢有司必有以處之矣

常德府志

卷九

十一

桃源縣

社學一所

縣內城隍廟右

龍陽縣

社學二所

今俱廢

沅江縣

社學一所



縣西五十步前後各三間東西各三間知縣馮  
綱建金露復修每年擇教讀以教之

書院附

本府

沅陽書院

東郭外去府一里黃龍陂上宋末本郡龍陽人  
丁易東任翰林編修富於文學因胡元代宋遂  
不仕隱居于此建石壇精舍以待學者舍東西

爲四齋捐已田一千二百畝取其租以贍生徒  
註周易傳疏賦梅花詩百餘律梓行于世郡守  
李秉彝憲使姚抑齋交薦於朝屢徵不起因授  
以山長賜額沅陽書院元至元中常德郡監哈  
珊仰其高風植松萬株護蔭院之田園丙申兵  
燹盡廢今爲義阡碑亦殘缺止存沅陽書院篆  
額嘉靖七年洪謨嘗以告方郡守仕毅然欲修  
復之以遷任未果



聞山精舍

府西清平門內

高吾精舍

府西清平門內見藝文

桃源縣

桃溪書院

縣南三十五里桃川宮後一名天寧書院地最

幽靜堪以讀書課士今院廢而跡尚存

常德府志

卷九

十四

龍陽縣

龍津書院

縣西南七十里梅溪畔宋紹定乙未進士周麟

建有博學篤行懷忠守信四齋今院廢基址尚

存袁申儒有記

常德府志卷之九